

INCUISTRIS

TAI DÏS AGNS DE CANONIZAZION

Pari Luigi Scrosoppi, la vite e i timps

Intal decenâl de canonizazion di pari Luigi Scrosoppi, l'Istitût des Muinis de Providence de Cjase mari di Udin e l'Ateneu furlan a organizin un cicli di siet conferencis par rifleti su la figure e lis oparis dal sant udinês.

Il cicli di incuintris, intitulât "Pari Luigi Scrosoppi, la vite e i timps", che si è viert cun doi apontaments al principi di Mai, al larà indevant joibe ai 17 di Mai (sale Ats, palaç Antonini), cul intervent di Fabiana Savorgnan di Brazzà (Universitât di Udin) che e descrivarà "La cundizion feminine intal Friûl de Votcent"; miercus ai 23 di Mai (sale Florio, palaç Florio) Frediano Bof (Universitât di Udin), al fevlarà di "Dotrine sociâl de Glesie e pinsîr economic e sociâl dai catolics venits intal secont Votcent"; martars ai 29 di Mai (sale Florio,

palaç Florio), Liliana Cargnelutti (Academie di Udin) e intervignarà sul teme "Caterina Percoto e la emancipazion feminine in Friûl"; joibe ai 31 di Mai (sale Florio, palaç Florio), Marco Plesnicar (Istitût pai Incuintris culturâi mitteleuropeans di Gurize) al analizarà il rapuart tra "Glesie e societât intal Friûl di p. Luigi Scrosoppi".



Il cicli di incuintris si jere viert ai 2 di Mai cu la conferenze di suor Stefania Sartor sul teme "Sant Luîs Scrosoppi. Biografie e oparis", che i jerin lâts daûr: ai 4

di Mai, il interventio di Fulvio Salimbeni (Universitât di Udin) sul teme "La Italie e il Friûl tal timp di pari Luigi Scrosoppi. Un profil storic"; ai 8 di Mai la conferenze di Francesco Russo (Universitât di Udin) su "Il pinsîr pedagogjic catholic intal secont Votcent".